

& ornamentum, amicorumque tuorum gaudium & recreationem. Filio non indicavi, me hasce tibi misisse, alioquin officia sua simul cum meis tibi offerret & præstaret, quæ tibi ex intimo cordis debeo & consecro. Vale.

Dabam

Amst:

20 Ian:

1769.

Utanskrift:

*Societati Regiæ Scientiarum  
Recommandée. Upsaliæ*

Linn. Soc., Vol. II: 480—481.

<sup>1</sup> Detta år 1769 utkommo Burmans Flora Malabarica, sive index in omnes tomos Horti Malabarici och Index alter in omnes tomos Herbarii Amboinensis G. E. Rumphii.

<sup>2</sup> ANDREAS ELIAS BÜCHNER, se ofvan s. 14.

<sup>3</sup> Den yngre BURMAN blef aldrig medlem af vare sig Vetenskaps societeten eller Vetenskapsakademien.

<sup>4</sup> DOMINGOS VANDELLI, se Afd. II: D. 1, s. 77, not. 3.

395.

Viro Amplissimo

DD. JO. BURMANNO

Professori Botan. Amstel. vere inclyto

s. pl. d.

Car: Linné

Tuas Vir Amplissime d. 20 januarii datas rite habui, nec suaviores umquam. Lætor magnopere quod etiamnum valeas et vigas. Tantis me involvisti antiquæ et infucatæ amicitiaë documentis, ut videbam me hære in Tuis amplexibus. Vix dies præterit quin Te cogito, cui dum vixero debeo plura quam alio ullo. Tuas dum quotidie evolvo, obstupesco ad merita Tua. ante Tuum tempus paucissimæ exoticæ plantæ fuere rite figuris illustratæ; jam vero Tua ope plurimæ. vellem quod numerares quot plantarum e[di]disti figuras in *Thesawro Zeylanico, Dec. Africanis, Rumphii Herbario, Plumieri Americanis*; quæso numeres et communices quot Species figuris illustratæ sint in his omnibus simul. certe nullus mortalium paria præstabit Scientiæ. cum edidisti catalogum Tuum indicarum plantarum quæso pro amicitia Tua cum communices.

Non dum accessit fasciculus datus D Balguiero, utinam mitteret antequam semina exsiccarentur.